



NYC পাবলিক স্কুলগুলোতে কী কী ঘটছে

عرض هذه الوثيقة باللغة العربية

এই নথি বা ডকুমেন্টটি বাংলায় দেখুন

查看本文件的中文版

Consultez ce document en français

Gade dokiman sa a an kreyòl ayisyen

이 문서를 한국어로 보기

Consulte este documento en español

به دستاویز اردو میں ملاحظہ کریں

Перевод документа на русский язык

schools.nyc.gov/MessagesForFamilies

এপ্রিল 2025

পরিবারের জন্য এই সর্বসাম্প্রতিক তথ্যে রয়েছে সামার রাইজিং 2025, বার্ষিক NYC স্কুল সংক্রান্ত জরিপ, 2025 এডুকেশন কাউন্সিল নির্বাচনসমূহের ক্যান্ডিডেট ফোরাম (প্রার্থীদের সম্মেলন) ও ভোটদান, এবং ভর্তি সংক্রান্ত গুরুত্বপূর্ণ তারিখসমূহ।

বিষয়সূচি

- সামার রাইজিংয়ে ভর্তির অফারসমূহ
- 2025 NYC স্কুল সংক্রান্ত জরিপ
- এডুকেশন কাউন্সিলের নির্বাচনসমূহ
- ভর্তি সংক্রান্ত গুরুত্বপূর্ণ তারিখসমূহ

সামার রাইজিংয়ে ভর্তির অফারসমূহ

যেসব পরিবার শেষ তারিখ 28 মার্চের মধ্যে সামার রাইজিং-এ আবেদনপত্র জমা দিয়েছেন তারা **বৃহস্পতিবার, 24 এপ্রিল** তারিখ থেকে শুরু করে **মাইস্কুলস্ (myschools.nyc)** -এ লগ ইন করতে এবং তাদের ফলাফল ও অপেক্ষা-তালিকা দেখতে সক্ষম হবেন। সামার রাইজিংয়ে আসন সংখ্যা সীমিত—যদি আপনি জানেন যে, আপনার সন্তান এই সামারে তার অধিকাংশ সময়সূচিকৃত প্রোগ্রামে অংশ নেবে, শুধুমাত্র তাহলেই অনুগ্রহ করে অফারটি গ্রহণ করুন।

আপনার ফলাফল পর্যালোচনা করার পর, আপনি আপনার সন্তানের অফারটি মাইস্কুলস্-এর মাধ্যমে সরাসরি গ্রহণ অথবা প্রত্যাখ্যান করতে সক্ষম হবেন। সামার রাইজিং অফারগুলো গ্রহণ করার শেষ দিন **বৃহস্পতিবার, 8 মে**—আপনার গ্রহণ করতে এবং আপনার সন্তানের আসন নিশ্চিত করতে যেকোনো আবশ্যিক প্রশ্নের উত্তর দিতে ভুলবেন না! এই বছর, পরিবারদের আপনাপনি নথিভুক্ত বা এনরোল করা হবে না, এবং তাদেরকে অবশ্যই শেষ তারিখের মধ্যে সন্তানের অফার গ্রহণ করতে হবে, কারণ পরিবারেরা অফার গ্রহণ না করা পর্যন্ত সামার রাইজিং আসন নিশ্চিত হবে না। একটি অফার গ্রহণ করলে আপনার সন্তানের পরবর্তী কোনও সময় অপেক্ষা-তালিকা (ওয়েটলিস্ট) থেকে আরেকটি প্রোগ্রামে অফার পাওয়ায় প্রভাব ফেলবে না।

2025 NYC স্কুল সংক্রান্ত জরিপ

শুক্রবার, 4 এপ্রিলের মধ্যে 2025 NYC স্কুল সংক্রান্ত জরিপটি পূরণ করতে ভুলবেন না! আপনার গোপনীয় মতামত আমাদের স্কুলগুলোকে তাদের শিক্ষার্থী ও কমিউনিটির সদস্যদের চাহিদা আরও ভালোভাবে বুঝতে এবং তাদের শিক্ষা-পরিবেশ, শিক্ষাবিদ, পাঠ্যক্রম, সহায়তা পরিষেবা

এবং আরও অনেক কিছু সম্পর্কে ভাবতে সহায়তা করে। স্কুলের নেতৃত্ব এই মতামত তাদের স্কুল ও অফারকৃত প্রোগ্রাম উন্নয়ন করতে ব্যবহার করেন।

জরিপটি দেখতে ও পূরণ করতে, [schoolsaccount.nyc](https://schoolsaccount.nyc.gov) -এ অবস্থিত, আপনার অফিশিয়াল নিউ ইয়র্ক সিটি স্কুলস অ্যাকাউন্টে (NYCSA) লগ ইন করুন। এছাড়াও আপনার কাগজে বা অনলাইনে জরিপটি কীভাবে পূরণ করতে হবে সেই নির্দেশাবলী সহ জরিপের একটি মুদ্রিত কপি স্কুল থেকে পাওয়া উচিত। 2025 NYC স্কুল সংক্রান্ত জরিপ সম্পর্কে আরও জানতে nycschoolssurvey.org দেখুন।

2025 কমিউনিটি এবং সিটিওয়াইড এডুকেশন কাউন্সিল নির্বাচন

এই মাসে, 2025 কমিউনিটি অ্যান্ড সিটিওয়াইড এডুকেশন কাউন্সিল (CCEC) নির্বাচন-এর ক্যান্ডিডেট ফোরাম বা প্রার্থীদের সম্মেলন অব্যাহত থাকবে এবং ভোট দানের সময়সীমা শুরু হবে! প্রথমত, যেসব প্রার্থী আপনার কমিউনিটি কাউন্সিল এবং সিটির চারটি সিটিওয়াইড এডুকেশন কাউন্সিলে প্রতিদ্বন্দ্বিতা করছে তাদের সাথে পরিচিত হতে এপ্রিল মাস জুড়ে ভার্সুয়াল ক্যান্ডিডেট ফোরাম বা প্রার্থীদের সম্মেলনগুলোতে যোগ দিন।

তারপর, 25 এপ্রিল – 13 মে পর্যন্ত, আপনার পছন্দের প্রার্থীদের জন্য আপনার NYCSA -এর মাধ্যমে ভোট দেবেন। এখনই আপনার অ্যাকাউন্ট তৈরি করে প্রস্তুত হন—কীভাবে সেটি করতে হবে তা জানতে schools.nyc.com/NYCSA দেখুন। কীভাবে ভোট দিতে হবে সেবিষয়ে আরও তথ্য সহ ফোরামের সময়সূচি এবং রেজিস্ট্রেশনের লিংক খুঁজতে schools.nyc.gov/Elections2025 দেখুন। CCEC সম্পর্কে আরও জানতে schools.nyc.gov/CCEC দেখুন।

ভর্তি সংক্রান্ত গুরুত্বপূর্ণ তারিখসমূহ

বসন্ত (স্প্রিং) 2025-এ অন্তর্ভুক্ত, ফল (হেমন্ত) 2025-এর জন্য চূড়ান্ত আবেদন প্রক্রিয়ার শুরু, এর পাশাপাশি ফল 2025-এর জন্য কিছু ভর্তি প্রক্রিয়ার অফার প্রকাশিত হবে।

উপরের গ্রেডের গিফটেড অ্যান্ড ট্যালেন্টেড (G&T) ভর্তির আবেদনের শুরু হবে

G&T প্রোগ্রামগুলো নিউ ইয়র্ক সিটির যোগ্য এলিমেন্টারি স্কুল শিক্ষার্থীদেরকে ত্বরান্বিত শিক্ষা-নির্দেশনা প্রদান করে। যদি আপনার সন্তান 2025-26 শিক্ষা বছরে 1, 2, 3 অথবা 4 গ্রেডের শিক্ষার্থী হয় এবং তার রিপোর্ট কার্ড গ্রেডের উপর নির্ভর করে যোগ্য বিবেচিত হয়, তাহলে সে [MySchools.nyc](https://myschools.nyc.gov)-এর মাধ্যমে ফল (হেমন্ত) 2025-এর জন্য G&T ভর্তি প্রক্রিয়ায় অংশগ্রহণ করতে পারে। যোগ্য শিক্ষার্থীদের পরিবারেরা এই মর্মে বিজ্ঞপ্তি পাবে যে তারা তাদের মাইস্কুলস অ্যাকাউন্টের সাথে সম্পৃক্ত ইমেইলের মাধ্যমে অথবা ডাকযোগে আবেদন করতে পারে। G&T যোগ্যতার শর্তাবলী এবং ভর্তি প্রক্রিয়া সম্পর্কে জানতে schools.nyc.gov/GT দেখুন।

মিডল্ স্কুল এবং কিন্ডারগার্টেনে ভর্তির অফারসমূহ

- যদি আপনি আবেদনের শেষ তারিখ 24 জানুয়ারি, 2025-এর মধ্যে কিন্ডারগার্টেনে ভর্তির আবেদন করে থাকেন, তবে আপনি আপনার সন্তানের কিন্ডারগার্টেনে ভর্তির অফার 2 এপ্রিল, 2025 -এর মধ্যে পাবেন।
- যদি আপনি আবেদনের শেষ তারিখ 20 জানুয়ারি, 2024-এর মধ্যে মিডল্ স্কুলে ভর্তির আবেদন করে থাকেন, তবে আপনি আপনার সন্তানের মিডল্ স্কুলে ভর্তির অফার 9 এপ্রিল, 2025 তারিখ, স্কুলের পর পাবেন।

পরবর্তী ধাপসমূহ সম্পর্কে তথ্যের পাশাপাশি, অফার ও আপনার সন্তান যে অপেক্ষা-তালিকায় আছে (যদি প্রযোজ্য হয়) তা দেখতে আপনাকে ইমেইলের মাধ্যমে আপনার [MySchools.nyc](https://myschools.nyc.gov) অ্যাকাউন্টে লগ ইন করতে বলা হবে। কীভাবে অফার প্রদান করা হয় তা জানতে schools.nyc.gov/MS এবং schools.nyc.gov/K দেখুন।